

Chuwailo

Forthnightly Newsletter



Vol. No. XI Issue No. 5

KOLKATA MIZO STUDENTS'

22th June, 2014 (Sunday)

SUMMER SPORTS'

Dt. 17.06.14 - 20.06.14 Khan Mizo Zirlai, state hrang hrang a awmte tana intawhkhawmna lian ber Summer Sports' 2014 chu neih a ni. Ni 17 & 18 kha Lammualah hman ni in, ni 19 & 20 erawh Hawla Indoor Stadium, Pitarte tlangah hman a ni thung. Chanmari YMA Hall-ah lawmman semna neih a ni.

Dt. 17 & 18 .06.14 khan outdoor game bik football leh mixed relay race neih a ni a.

Dt. 17.06.14 khan Football 1st round khelh a ni a. Kan tumpui tur Mumbai ho lakah walk over-in kan chak a ni. Dt. 18.06.14 Quater final, Semi Final leh Final khelh leh a ni a. Quater final-ah Chennai nen kan in tum a, hun pangngaiyah kan inhehtawh hnuah Petnalty pet niin, 4 - 3 in hnehna kan chang a. Semi Final-ah 1-0 in Bangalore kan hneh a, Final kan lut a ni. Final hi Tamil Nadu nen kan khel a, game a \angin a hmuh nawm hle a. KMS-te kan hming thanna \hin footbal lamah kan hming ala thang chhonzawm zel a 5 - 1 a chakin,

Summer Sports' 2014 Football Champion kan ni ta a ni. Football-ah hian Lalsangzela (KMS) chu Best Player atan thlan a ni bawk. Dt. 18.06.14 vek khan Mixed relay race neih a ni a, kan member tlan chakte chuan Pahnihna dinhmun min hauh pui bawk.

Dt. 19.06.14 khan Basketball khelh chhonzawm leh niin; Hmeichhe lamah chuan Hyderabad 14-16 in kan hneh lo a, Champion turin midang kan kian ta a ni. Mipa lamah Chandigarh nen kan in tum ve thung a, team pahnihte fitness a \ha bawka game speed a rangin a hmuh nawm hle. Champion lai rilru pu takin champion ngei turin Chandigarh chu 66 - 59 in chakna kan chan tir ta a ni.

Lucky Ticket & T-shirt

KMS in Lucky Ticket a siam chu zawrh mek zel a ni a, KMS Executive Committee member leh Social & Cultural Sub-Committee member-te hnenah engtiklai pawhin lei theih reng e. Aman hi Rs. 20 chauh a ni e.

Tin, KMS t-shirt pawh lei tur tlem a la awm a, siam tam a nih loh avangin chan loh palh theih a nih avangin a ranglama KMS Executive Committee in zuar tura a ruatte hnenah ngaihven vat chi a ni e.

Lucky Ticket leh KMS t-shirt hi KMS in KMS sum hmuhna pakhat atana a siam a ni a. Member-te'n KMS \hatna tur a ni tih hria a, keimahni tan vek a ni tih hre reng chung leh KMS tana kan tih theih pawimawh tak a ni tih hriain, lei \heuh i tum ang u.

Lawmthu

Summer Sports' kan neihnaah member ni mek leh member kalchhuak ta te'n \ha taka min \awiwawmnaah KMS chuan lawmthu a sawi tak meuh meuh a ni. Tin, heng bakah hian KMS tana an thiamna leh theihna hmangtu, hah taka KMS tihming \hatu kan infiammite chungah a bik takin KMS chuan lawmthu a sawi a ni.

Tualchhung...

Monsoon-in min rawn chiah \an tawh bawk a, kan khaw lum hrehawm lutuk tur pawh a zia viau, khawlai erawh a diak nuam thei khawp mai.

Kan member engemawzat chu nipui chawlh hmangin mahni khaw lamah an haw hlawm a, hetih lai hian exam bei chho mek tur engemawzat an awm bawk; kan member exam nei mek leh nei tur zawng zawngte \ha taka an tih kan duhsak a, chawlh hmanga awm mekte nen pawh hlum taka kan inhmukhawm leh thuai kan beisei.

Summer Sports' boruakin min chiah deuh avangin tunlai chu rilru Mizoram lamah a awm lo thei lo a, kan khaw aiawha inkhela fehchhuakte awmhmuna kan lo \an che uin kan chhuang em em che u a ni.

Zirlai Admission ti thar tur engemawzat chuan kan khua an lo thleng thla tawh a, tunah hian an college luhna tur vel tifelin an hmanhlel mek a ni. Admission zawng mekte'n tluang taka an tihfel vek theih kan duhsak a, zirlai thar duhawm tak, KMS leh Kolkata Mizote tana \angkai tak an la nih ngei kan beisei bawk a ni.

Kan chanchin hi KMS website:- www.kolkatamizostudents.weebly.com-ah update reng a ni e.

**Mi mizia i hriat
duh chuan hotu nih tir
rawh.....**

CHUAILO

Estd. May, 2004

Editor : Lallanzova Darngawn
 Joint Editors : Lalruatkima
 : Vanlalpeki Ralte
 : Vanlalhuma
 Patron : Alex Rosangluaia
 Contact : 8420509618 / 9831106143



Enkawltu Kamliam

THAWMHNAW

'Thawmhnaw' tih hi, sap sendang hoin 'Dress' an tih nen hian a in ang ti ila ka sawi sual awm lo e. Mizo chuan taksa a in bel chi chauh nilo, hnathawhna hmanrua chi hrangte pawh sawi nan kan hmang bawh \hin.

Ka sawi tum ber erawh chu taksa khuh mawi nan a kan hman \hin bik hi a ni a. Mihringte hian sik leh sa a\anga kan in ven nan mai nilo, taksa a lan mawi nan hian thawmhnaaw, tlereuh leh thildang hmang \hin tho mah ila, hi kan hmang \hin a. Engtik a\anga hman \an nge a nih a, tute chin chhuah nge tih erawh chhui dawn ila chhui thui a ngai viau awm e. Mihring te'n ziak a thil chhinchiah nachang kan hriat hma a\ang tawhin inchei nan thawnhmaw mawi inbel hi kan lo ching daih tawh a. Kan thil chin zingah chuan kan chin \ha berah ka ngai nghe nghe.

Hmanlai, kum tam liam ta a he khawvel lo luah tute kha hnam changkang nge an nih a hnam changkang lo hriat hranna atana tehfung pawimawh tak leh tling a ni kan ti thei awm e. Inchei uluk hnam chu hnam changkangah kan ngai zel zawng a nih hi.

Mizo hnam pum han thlir ila kan hnam changkan \anna a la rei loh ang hu in incheina lamah chuan kan \hang chak em em a. Inchei pawh kan thiam hle. Puipun ni khua a, nula leh tlangval nalh tak tak a an inchei han hmuh meuh chuan mit a tlai \hin hle.

Kan inchei duh dan te hi a \hing ta viau nge ni a, kan inchei duh dan te hi hmasawn loin a hnung tawlh zel zawk? Nalh leh fel fai taka inchei aiin hnawk leh maksak lam pang zawnga inchei hi kan duh zawk ta emaw chu aw ka ti \hin.

Naupang school kai in kawr beng lut a, pheikhawk tle tak a nawh aiin kawr beng luh loh leh pheikhawk paw thekthawk bun hi nalh an ti ta zawk emaw tih mai tur khawpin inchei an inthlah dan ta. Puitling tamtak pawhin Pathian biak inkhawmnaah fel fai taka inchei kan peih ta mang lo. Kan khua hi lum hle mahse Pathian biak inah tal hi chuan fel fai taka inchei hi kan tih tur a ni.

A hun leh a hmun zir a inchei thiam hi hnam changkang chuan an thiam a, inchei taimak hi puitling zia zinga lak hran theih loh ze bet tlat a ni ka ti lo thei lo. Zahawm taka inchei hi hnam changkang zia a ni tih i hre thar leh ila zahawm tak leh fel fai taka in chei hi i ching thar zel ang u.

Zirna Huang...

| ek / Kawlphe

| ek kan tih hi sap ho chuan Lightning a ti a. | ek chungchang hi a chanchin tlem in zir hmasa teh ang. A hmasaberin \ek hi eng nge a nih han sawifiah hmasa ta ila - | ek chu electric awm mai mai (Static) hlawm hrawl/lian tak puak (chhum electric charge positive emaw negative nei leh chhum vek inkarah emaw chhum leh lei inkar a puak) ti ila ka sawi sual awm lo e. Chhum leh chhum inkar emaw chhum leh lei inkar a electric charge awmte rei lo te chhung charge engmah nei lo (neutral) a an awm theih nan \ek hi a in siam \hin a chu chu \ek tla/kawlphe kan tih hi a ni.

| ek hi hmun thum a\angin a in siam thei a, chungte chhu :-

1. Chhum pakhat a\anga in siam.
2. Chhum leh chhum dang inkar a\anga in siam leh
3. Chhum leh lei inkar a\ang a in siam te an

ni. Heng pathum zingah hian Chhum leh lei inkar a\anga in siam \ek hi zir chian leh hriat chian ber a ni a mahse kan sawi loh pahnihte hi a tla ngun zawk thung.

| ek a tlak emaw kawli a phet reng rengin khawpui hi a ri tel ngei ngei \hin a mahse a chang chuan \ek tla emaw kawlphe chauh kan hmuh chang a awm \hin hei hi a chhan chu a tlakna a hlat em vang a ni a. A tlakna a hlat em avangin khawpui ri kan hre phak lo \hin tihna a ni. | ek tla emaw kawlphe leh khawpui ri hi a in siam rual reng a mahse eng kal chak zawng (speed of light) hi ri kal chak zawng (speed of sound) ai in a chak zawk avangin \ek tla/kawlphe hi kan hmu hmasa ta zawk \hin a ni.

Khawvelah hian second khat chhungin \ek tlak zin zawng hi 40 - 50 vel ni in zir mite'n an sawi a. Tin, kum khatah hian tluklehdingawn 11 vel tla \hin ang a chhut a ni bawh. | ek chungchang zirna hi 'Fulminology' an ti a, \ek tla hlahna hi 'Astraphobia' an ti bawh.

Khawwela \ek tlak ngunna ber ni a chhinchhiah chu Kifuka khua Democratic Republic of Congo rama awm a ni. A tlak ngunna hmun dangte - Catatumbo lightning Venezuela rama awm, Singapore, Teresina Northern Brazil ram a awm leh Lightning Alley Central Florida ram a awmte an ni.

Article :

CHUAILOOOO

- ahooma

(Chuailo kum 10 tlin lawmna puala Special Issue-ah khan thu ziah ve ngei ka tum a; thu chhuah tur kan hmuh \hat deuh vangin a leng ve ta lo. Insawitheih pahin titi vel mai mai te'ng)

A tir deuh: Chuailo enkawltute zinga min dah tirha ka phurzia leh idea nei \ha ka intihzia kha! Min ruatna lehkha pawh ka hmuh hma hma khan ka duhdan leh a pheh hmelhmang tihdanglam ka tumdante kha ka sawi vak vak a, Editor ber pawh ka ni tawp si lo :) Tichuan le, kan han ti chho kan han ti chho a, tunah pheichuan 'Chuailo' tih hming an sawi apiangin min ko emaw kan ti lo chauh ta mai a nih hi.

Ka phur pheng khan thawhpuite mitte kha ka tikham foin ka ring leh hnuhnawh! Inrinni zanah \hianpa Saktea nen Chawlhnia chhuak tur kan han chhu a, kan chhu zo a, kan ennawn zawh leh vek tawh hnuah pawh kan phur lutuk, kan la kham thlawt lo a, a lehpek issue ami tur kan han chhu lawk leh vel a, nuam kan va ti \hin tak.

Kan editor ber kha a buai theih em avangin kei kha ka'n intithu em em khawp a, tunlai angin article zawn khawm leh thuziak tura midang sawm tih vel kha ngaihtuah ngai hek lo i, editorial, hlaril, article zawng zawng kha ka'n vaihma ta vek \hin a, khatih laia kan chuailo chhuah ho kha chhiar a ninawm ngawtin ka ring ta. Thawhpuite'n min sawisel hreh ve si, kei lah khan nuam ti tawkin, "kum khat chhuah tur daih lek lek hi chu ka ziak zo nghal vek thei ang chu," ka ti tun tun zel mai sia, article hnuai hmun awl tlem a awmte khan keimah bawh hian 'kan jt. Editior-in article \ha tak min rawn ziahsak thei a, a lawmawm hle mai' tihte kha ka'n ziak ta \hin a! Sunday-a Chuailo kan han tihchhuahte hian min ngamtak deuh C.Muanate'n, "e, i chanchinbu a chhuak a ni maw?" an tihte khan ka lo la intitheih zawk zawmah a!

Hmangaihna lama luanliam deuh lai a nih chuan Chuailo kha inbunruah na'n kan han hmang hmak a, \umkhat pheichu kan lo inbunruak nasa deuh kengkung a ni maithei, naupang chhiar atana in lama hawn duh lo te pawh an awm a ni awm e. :P

Inrinni zanah Chuailo chhu turin kan han kalkhawm a, tlaivar \hakin kan chhu a, chhu ve lem lo, KMS lama kan hotute zingah min \awiwawm tur hrim hrima lo kalte pawh kha kan sirah an lo titi tlaivar ve zak zak fo a, nuam ve \hin deuh a ni. Zingah print tir turin dawrah kan kal a, a chang leh kan chhut fel sa diam chu print hleihtheih lohina lo buai, kan dawr \hinte an lo inkhar thul, chawhnu dar thuma inkhawm bana sem hman loh hlau reng reng khan kan va han virbuai \hin tak. Tunah chuan zankhat thil thua tih vak kha kan ti ta lo a, muangmar leh uluk zawka chhut kan ching chho ta.

A kal zel e: Thawhpui fel tak tak leh mithiam tak takte nen tichho zelin, hma pawh kan sawn ve zel a, mahni thu leh hla ringawt lo deuh, huap zau zawk leh chhiar manhla, bengvarthlak tak tak khawnkhawm kawngahte pawh thawhhona pawimawhzia kan zir chho ve zel a, taima tak leh dawhthei taka thawk hram hram reng \hintute zarah Chuailo hian hmalam a pan zel a ni.

Midang tana a hlutna chu thuhan Chuailo hi a tuichilhtu leh a inti neitu tak takte hi chuan kan han ngaihtuin a tih lah kan inti neitu. A chang pheichuan kan OB te ngei ngei pawh, 'lo inrawlh suh' han tih deuh fawk changte kan nei nia! Chhungkuaa min siamtu leh min phuarkhawmtu \ha tak a niin, chuailo enkawlho tawh ngat hi chu kan inpawh em em vek zel a ni-tun thleng hian.

Chuailo chhu tura kan han kalkhawm hian \henkhat chuan President-te chawhmeh \hing e' nge tih hi an han ngaihtuah hmasa ber a, a neitute an awm emaw, awm lo emaw chawbel zen nghal rawk rawk tawh hi kan awm ta ziah a nih hi. Tlanzova Editorial Board-a a rawn luh tirha Mapuia'n a tihduhdahzia leh Tlanzova Editor a nih chhoh tak hnua boruak inthlak chho vel hmutu nih a, an han intihduhdah tawn vel laia lo awm ve nawmzia te, Temami ulhbun tur hriat theih dan em emte mai mai hi nakinah chuan kan la sawi kan la sawi awm a sin. Chutih hunah chuan Aluaia paw'n U Zoa meizial bung paih darh chhar tur pawh a nei tawh dawn si lo a, a ngai ve ngawt ang.

Kan Chuailoah hian thu chi hrang hrang- article, chanchinthar, hlaril leh zirna lama min pui thei turte kan bilh tel \hin a, tunhma lama an lo telh \hin telh tawh loh kan neih laiin, an telh ngai lem loh telh thar engemawzat kan nei reng bawh a ni. Thu chhuah tur chungchangah hian 'hemi chin hi chhuah chi' tih ramri kham a awm chuang lo a, Kolkata-a awm Mizo tawh phawt chuan mahni luanliamna, veizawng leh duhzawng inbunruahna hmanruaah rawn hmang zel turin kan sawm che u a ni. I intih neitu thiam poh leh Chuailo hian a tihlim che ang a, mi ngaiha ho te, chhunggrila hlim veng vengna leh nakin huna la sawi tur tamtak a pe ngei ang che.

Sports.....

Michael Schumacher

Formula 1 vawi 7 lai champion lo ni tawh Michael Schumacher chu French Alps tlanga nikum December ni 29-a a chesual hnuah thla ruk vel zet nikhaw hre lo a a awm hnuin a harhchhuah tawh thu Schumacher family spokewomen Sabine Kehm chuan a puang. Kum 45 mi Michael Schumacher hi a awmna hmasa France damdawiin Grenoble Hospital a'angin Lausanne's University Hospital, Switzerland-ah inenkawl chhonzawm turin an suan a, vhat lam a pan mek zel thu a sawi bawk. Harh chhuak tawh mah se hma erawh a sawn chak em em rih lo a ni.

World Cup**World Cup Update (Sunday 22.06.14 zing thleng)**

Sunday zing thleng khan Game 29 a awm tawh a. Kumin World Cup a goal thun hmasaber chu Marcelo Brazil player a ni a, hei hi an ram Brazil lamah a ni thung. Yellow Card hmu hmasaber chu Neymar Brazil player tho a ni. Red card hmu hmasaber chu Maximiliano Pereira a ni a Uruguay player a ni thung. Hatrick siam hmasaber chu Thomas Muller Germany player a ni. Group stage paltlang hmasaber chu Netherlands ni in, tla hmasaber chu Australia an ni. Defending champion Spain chuan record vhar siam in champion lai Group stage-a a zawn a vawi hnih chak lo hmasaber leh awm chhun niin, Spain chu World Cup 2014 a'angin kan mang\ha ve leh ta a ni.

**Hengte hi game khelh tawh leh an result-te an ni :-**

Brazil 3 – 0 Croatia. Mexico 1 – 0 Cameroon, Spain 0 – 5 Netherlands, Chile 3 – 1 Australia, Colombia 2 – 0 Greece, Uruguay 1 – 3 Costa Rica, England 1 – 2 Italy, Cote D' Ivoire 2 – 1 Japan, Switzerland 2 – 1 Ecuador, France 3 – 0 Honduras, Argentina 2 – 1 Bosnia Herzegovina, Germany 4 – 0 Portugal, Iran 0 – 0 Nigeria, Ghana 1 – 2 United States, Belgium 2 – 1 Algeria, Brazil 0 – 0 Mexico, Russia 1 – 1 South Korea, Australia 2 – 3 Netherlands, Spain 0 – 2 Chile, Cameroon 0 – 4 Croatia, Colombia 2 – 1 Cote D' Ivoire, Uruguay 2 – 1 England, Japan 0 – 0 Greece, Italy 0 – 1 Costa Rica, Switzerland 2 – 5 France, Honduras 1 – 2 Ecuador, Argentina 1 – 0 Iran, Germany 2 – 2 Ghana, Nigeria 1 - 0 Bosnia Herzegovina.

Kumin World Cup (hriattheih chinah) Goal thun rang ber chu USA player Clint Dempsey niin, Ghana nen an inkhelh tumin 29 secs. ah a thun a, amaherawhchu, FIFA lamin 30 secs. angin an pawm sak thung.

Ulhbun.....

Zina huang ziaik thui ber AWARD ka dawn ngei ka beisei.

- **Zohmingi @ Dan hre mi.**

CMWA future President ka nih hi.

- **TBT-a**

Hetiang alo nih takah chuan Lal Kuthi lamah washing machine ka nei \ha a, insuk te chu a awmzia pawh ka hre tawh lo.

- **Zutea**

Chicks' Magnet min ti tawh r'u

- **Hmingthana @ SA Boys'**

Ka lo kir leh ta... Ka beramte chaw kan pek nghal kha!!!

- **Ex. PC. Puia**

Sakhmel tawmna phairam khawpuiah ka lung a leng em e...

- **Apuii Kiangte**

Salt lake lamah hian mihring thang kam se chu ka awk ngun ngawt ang.

- **Samuel Ngente**

Freshers' lamah lo zawng ve teh ang..

- **Tina @ Bikhramgarh**

Ka chak pui zo ta ngang lo a ni e..

- **Temami**

Aw, kar a hla, Duhlai mi u..

- **Florence c/o SA Boys'**

A lo inthup thei hle mai! Khatiang em em khan a zaithiam ka ring pha lo reng reng..

- **Tetei @ NIH**

Night Pack hi a lo tangkai ngawt mai!

- **Thomson @ SA Boys'**

Pial-Lei-Thima ka ni reng bik dawn lo...

- **Samuel Songate @ PLTa**

Freshers' nula ho zingah chuan thak hle ila a ni mai alawm...

- **Tluangtea @ SA Boys'**

"Kolkata ka awm lai chuan.. Chumi.. Kha mi.." tih tur ka nei ve nual alawm..

- **Serena**

'Pulpit Nunchan' tih ka ziaik ve mai na'ng a??

- **Lalruatkima Mapuia**

Ka ngaihzia thu **Chualo** kaltlangin karawn hrilh e...

- **Sawmtea @ Ex.SA**